

讀通鑑綱目條記

讀通鑑綱目條記卷八

武進李述來紹仔

元帝建武元年丞相睿卽晉王位

集覽 出次次喪次也禮孝子次中門之外賈氏

曰凡言次者倚廬聖室以下總名

按素服出次謂出舍耳如前云露次非倚廬聖室也

河南王吐谷渾卒

集覽 白蘭羌種名吐蕃謂之丁零

按白蘭山名至唐時丁零居之始有白蘭羌之名此則但指其地言之耳

太興二年

綱 祖逖討陳川石勒遣兵救之逖退屯淮南勒兵守蓬關

接通鑑逖攻陳川于蓬關石虎救之戰于浚儀逖敗退屯梁國勒又遣桃豹將兵至蓬關逖退屯淮南虎徙川部衆五千戶于襄國留豹守川故城不言守蓬關陳川故城卽蓬坡塢蓬關卽

逢塢門耳。逖時遣將韓潛與豹分據陳川。故城
勒兵非能盡守之也。以爲勒兵守逢關失考。又
逢關非重險。勒所留非重兵。勒兵守逢關似可
不書。

三年保故將陳安降漢

考異 提要漢作趙。按漢前年改號趙。當書趙
書法 不書趙。書漢何。漢不共戴天之讐也。賊可
討也。而不免降漢焉。特書漢所以志警國而爲安
惜也。

按書法曲說無理當從考異

四年

綱 代弑其君鬱律子賀儻立

按分注猗也妻惟氏忌鬱律之強恐不利其子乃殺鬱律而立子賀儻鬱律之子什翼犍幼在襁褓其母王氏匿之乃得免賀儻乃猗也子鬱律之從父弟也當書猗也子賀儻立

明帝大寧元年以庾亮爲中書監

考異 庾字當作后兄與漢何進同

書法 不書后兄亮亮賢也

按庾亮釀亂何賢之有當從考異

二年成主雄立其兄子班爲太子

集覽 宋宣公春秋譏宋宣公廢子立弟國以不
寧者十世

按宋亂未嘗至十世此蓋欲引史記宣公不立
正禍亂五世不絕而誤耳

又 吳餘祭吳王諸樊卒立弟餘祭以次授弟季
札札逃去立其子僚僚爲其弟闔閭所弑季札曰

是亂由先人起也

按是亂由先人起也季札無是語

敦復反秋七月至江寧帝親征破之

集覽 豕突謂恐賊如猪伏穴中人不意之突然而出也

按漢書注服虔曰猪性觸突人故取以喻言其獷悍耳集覽非

三年後趙石生寇河南司州降趙

目 虎擒岳殺之

按通鑑虎擒岳及其將佐八十餘人皆送襄國
又咸和三年劉曜被禽石勒遣劉岳等盛服見
之則此時未嘗殺岳也分注失考

咸和二年張駿遣兵攻趙趙擊敗之遂取河南地

質實

河西郡名注見漢安帝元初元年

按元初元年無

此河南地注見宋主昱元徽元年彼注云河南古

豫州地

按河西通指涼州非止河西一郡之地河南謂
金城河之南非豫州也

峻與祖約舉兵反

目 約遣兄子沛渙壻許柳以兵會峻

按晉書約遣兄子沛內史渙蓋渙爲沛內史非別一人也沛字失刪

三年後趙主勒大破趙兵于洛陽

正誤 鞏警集覽皆無注

按正誤旣云集覽皆無注而仍不爲補注殊不可解 左傳杜氏注皆在鞏縣西南

四年逸殺右衛將軍劉超

考異 逸上漏蘇字

按綱目于王敦蘇峻反後雖間有異事祇書敦峻而削其姓春秋之志也前已書峻弟逸代領其衆則此處不當有蘇字

以褚裒爲丹陽尹

集覽 求之望實所注糊塗

不解此爲何語意有訛脫邪

以劉楨爲江州刺史

曰 自江陵至于建康三千餘里流民萬計國之

南藩要害之地

按通鑑或謂導子悅曰今大難之後綱紀弛頓
自江陵至于建康三千餘里流民萬計布在江
州江州國之南藩要害之地蓋謂上自江陵下
至建康三千里中以江州爲居中控扼之地故
流民湊集皆在于此今刪布在江州六字無論
流民萬計一句語勢未了且似江陵建康俱是
江州所統也

七年趙命太子宏省可尚書奏事

集覽 八州注見漢王元年彼注云海內九州其一則天子之縣餘八州

按八州謂石趙所據冀幽并青兗豫司雍也集覽謬甚

太尉侃遣南中郎將桓宣攻拔宣陽

集覽 涅水當在襄樊左近

質寶 涅水在潞州襄垣縣西北六十里源出沁州覆醜山

按山經注涅水出涅陽縣西北岐棘山東南逕

涅陽縣又東南逕安衆縣漢涅陽縣在今鄧州
境又馬融廣成頌丹水涅池注涅水在今鄧州
與沁州遠絕

八年趙石虎自爲丞相魏王

目 以姚弋仲爲奮武將軍西羌大都督居澠頭
集覽 澠頭廣韻注澠水名在西陽

質實 澠頭卽澠水之口在漢陽府城北四十一
里自黃陂入漢陽縣界與索淪二水合流

按原文以姚弋仲爲奮武將使帥其衆數萬徙

居清河之澠頭胡注曰水經注清河過廣川縣東水側有羌壘姚氏之故居也分注不宜刪清河之三字蓋澠字義同渡春秋繁露小者可以爲舟輿浮澠注澠浮棧之類是也質實以爲在漢陽謬甚是時漢陽屬晉七仲安得而居之

質實 魏臺在大名府魏縣界相傳爲魏文侯所築

按虎建魏臺如魏武輔漢故事虎爲魏王故建魏臺臺如行臺之臺猶云開府也

張駿遣張淳來上表

質寶 東峽在成都金堂縣東北

按東峽槩指三峽以在成都之東故云東峽耳
九年太尉長沙公陶侃卒

集覽 所假節麾幢曲蓋節麾幢蓋皆前驅儀仗
也大將所有侃非大將故天子假之以重其威

按節字絕句謂所假之節也晉職官志節有三
等使持節爲上持節次之假節爲下使持節得
殺二千石以下持節殺無官位人若軍事得與

使持節同假節惟軍士得殺犯軍令者磨幢曲
蓋爲句泛指儀從也侃爲太尉都督荆江等八
州非大將而何

咸康元年 趙聽其民事佛

集覽 佛圖虜複姓

按佛圖卽浮屠耳非姓也

二年趙作太武殿東西宮

集覽 金瑤瑤琅瑤鐸也說文屋角金鈴也以驚
鳥雀

按司馬相如羽獵賦華棖璧璫注云璧璫以玉
爲椽頭當卽所謂璇題者也三輔黃圖注云以
璧飾瓦之當也胡注此金璫蓋以金飾瓦之當
又 鐘虞秦始皇所鑄注見始皇二十六年

按鄴城鐘虞乃魏明帝所造與秦皇無涉

三年趙王虎稱趙天皇

集覽 庭燎大燭也云云

按胡注成公段懸盤于杠以置燎創意爲之非
有古法也集覽乃濫引二百餘言可謂辭費

咸康四年趙王虎擊燕不克

目 根等晝夜力戰

按原文趙兵蟻附緣城根等晝夜力戰蓋上文
劉佩將敢死數百騎出衝趙兵斬獲而還者所
以作士氣安衆心此晝夜力戰乃是乘堙距守
剛趙兵蟻附緣城旬便與上事相牽不盡情事
矣

集覽 海島今海州東南有島山去岸八十里

質寶 海島卽高公島也在淮安府海州城東

按石虎謀擊燕自樂安渡海戍蹋登城則此島
乃渤海中之島非海州之島也

代王翳槐卒

集覽 破落那西域國都貴山城在疏勒西北

按唐書西域傳寧遠者本拔汗那或曰鋌汗兀
魏時謂之破落那去長安八千里居西韃城在
真珠河之北北史破落那卽漢大宛去代萬四
千四百五十里集覽都貴山城云云未知何本
五年趙人入寇攻沔南及邾城陷之

目 夔安等將兵數萬入寇敗晉兵殺五將軍

按通鑑石閔敗晉兵于沔陰殺將軍蔡懷朱保
敗晉兵于白石殺鄭豹等五將軍蓋閔等分道
入寇沔陰白石二戍皆覆今書殺五將軍而不
書蔡懷是遺其一也殺五將軍四字當是失剛

六年

綱 趙大發兵以伐燕燕人襲之入趙高陽趙師
乃還

目 趙王虎合兵五十萬具船萬艘自河通海運

穀千一百萬斛于樂安城大閱于宛陽欲以擊燕
燕王皝曰虎自以樂安城防守重複薊城南北必
不設備今若詭路出其不意可盡破也遂帥諸軍
入自蠡螭直抵薊城破武遂津入高陽所至焚燒
積聚畧三萬餘家而去趙兵乃還

按十六國春秋虎將討慕容皝命司冀青徐幽
并雍七州兼復之家五丁取三四丁取二合鄴
城舊軍滿五十萬具船萬艘自河通海運穀豆
千一百萬斛于樂安城以供軍征之用凡收百

姓馬四萬餘匹

中間加劉眞光祿大夫事

虎如宛陽大閱于

曜武場冬十月慕容皝襲幽冀幽州刺史石光擁兵數萬閉城不出皝入自蠡螭塞戍將當道者皆斬之直抵薊城破武遂津入高陽所至焚燒積聚畧三萬餘家而去光坐慙弱徵還據此則趙未嘗伐燕特爲伐燕之計耳師且未出何言師還綱之所書似稍疎矣分注改光坐慙弱徵還爲趙師乃還乃是傳成其失也綱目致誤之處在大閱于宛陽欲以擊燕二語

通鑑原文按

十六國春秋命七州取丁合舊軍滿五十萬乃是下令如此五十萬人未嘗集也宛陽大閱乃尋常閱兵非卽閱此五十萬人也循十六國春秋本文可見通鑑屬大閱宛陽于得馬四萬匹之下又繫之以欲以伐燕遂若兵五十萬船萬艘卽已戒嚴者亦是失考

八年趙作長安洛陽宮

集覽 三五發卒三丁發一五丁發二以爲兵卒

按晉書石勒傳乃是三丁發二五丁發三耳

康帝建元元年詔議經畧中原

集覽 南康公主成帝之女

按晉書是明帝女

穆帝永和元年燕罷苑囿以給新民

質實 古者什一而稅天下之中正詳見論語顏

淵篇

意指盡徹章朱子引胡氏語也閭陋乃爾

張駿自稱涼王

目 駿分境內二十二郡三營爲涼河沙州

按通鑑駿分武威等十一郡爲涼州與晉等八郡爲河州燉煌等三郡及西域都護三營爲沙州分注剛併未免簡而不文矣

二年趙攻涼州

目 後趙遣將軍王擢

按後字羨

集覽 宛戍南陽郡宛城之屯戍者

按趙方與涼相持于金城大夏安得至南陽

五年燕以慕容恪爲輔國將軍

目 以慕容恪慕容評陽翟爲三輔將軍

按燕書以慕容恪爲輔國將軍慕容評爲輔弼將軍陽翟爲輔義將軍謂之三輔謂之三輔云者蓋美其名如四及四輔耳直云爲三輔將軍乃是三輔爲將軍口號失之矣

六年趙石閔殺鑒而自立

考異 提要殺作弑當從提要而鑒上漏其主二字

書法 不書弑賊殺賊而已

按書法是不當從提要既書殺則不必書其主
鑒非其主也

免蔡謨爲庶人

集覽 桓文之舉蓋謂桓溫諸人也

按荀羨語意桓文之舉羨蓋自謂

八年謝尚得傳國璽獻之

考異 獻之當作來獻

按尚非敵國也不當云來

十二年襄北走據襄陵

質實 北山注見漢文帝三年彼注云美石出京兆北山

按晉兵與襄戰伊水北山當是北邙山耳

升平二年荀羨伐燕

目 乃開門直出羨兵四集禽之

按羨擊賈堅堅出戰殺羨兵千餘人復還入城羨進攻之乃開門直出羨兵四集堅立馬橋上左右射之皆應弦而倒羨兵從塹下斫橋堅人馬俱陷生禽之分注刪下文戰事則開門直出當云開門出鬪否則乃似束手詣軍就縛者遂

令忠壯之士黯然無色 又出戰殺千餘人復
還守此亦兵機不宜削

哀帝興寧元年燕呂護攻洛陽

集覽 北風之思詩北風篇曰北風其喑雨雪其
霏惠而好我攜手同歸

按此謂北人南徙者不念故土耳河上之歌所
謂胡馬望北風而立也集覽非

涼張天錫弑其君元覲而自立

目 時年十六

按十六國春秋六當作八

二年

綱 秦平陽公融等降爵爲侯

按十六國春秋當作陽平公通鑑亦誤作平陽
簡文帝咸安二年秦加王猛都督中外諸軍
事分注陽平公融年少正作陽平通鑑亦同

目 乃詔有司推檢辟召非其人者自今國官皆
委之銓衡

按辟召非其人者下有悉降爵爲侯五字似不

可刪蓋因諸公引富商爲卿故下詔推檢辟召
非人者而降其爵平陽公等辟召非人故皆降
爵也若刪此句則下文于是五公皆降爵爲侯
句不見端緒矣

三年

綱 以弟諮監荆揚等州軍事

按袁帝紀以右將軍桓諮監荆州揚州之義成
雍州之京兆諸軍事領荆州刺史桓冲監江州
荆州之江夏隨郡豫州之汝南西陽新蔡潁川

六郡諸軍事江州刺史蓋諮所監者僑置之義

城當作

京兆二郡耳非盡監三州也失考

會稽王昱爲瑯琊王

考正 當作更立會稽王昱爲瑯琊王因讓不受

按下書以會稽王爲丞相又書會稽王卽位則
考証之說是也

帝奕太和三年秦苻廋以陝城降燕

目 廋遺垂及眞曰苻堅王猛皆人傑也謀爲燕
患久矣今不乘機取之恐異日有甬東之悔矣垂

謂真曰主上富于春秋太傅識度豈能敵堅猛
乎

按原文度遺垂及真牋曰云云垂謂真曰方今
爲人患者必在于秦主上富于春秋觀太傅識
度豈能敵堅猛乎真曰然吾雖知之如言不用
何蓋垂意正謂寇不可養時不可失耳今刪去
方今爲人患者二語又刪去真曰吾雖知之云
云乃似垂意謂君相不能相敵有機亦無可乘
者失之千里矣

四年大司馬溫帥師伐燕

目 乃帥八千騎行躡其後

按行上本有徐字所云俟其氣衰也徐字與下
急追字相應不宜刪

五年秦王猛督諸軍復伐燕

集覽 部置鮮卑之所謂克燕之後徙鮮卑于關
中也令有司部分安置鮮安之處所

按部置鮮卑之所猶伐涼先爲張天錫起第伐
晉先爲司馬昌明起第也不指徙民

秦王猛入晉陽

集覽 遺愛謂慕容恪見愛有古人之遺愛

似未嘗見左傳者

質實 潞川地名未詳處所渭源疑是地名未詳處所

按水經注潞川在上黨潞縣渭源胡注曰渭水不出潞縣水經注有涅水出潞縣西覆醜山或者渭字是涅字之誤

簡文帝咸安元年大司馬溫長壽春

質實 石橋有二處一在滁州全椒縣東北一在
和州含山縣治南

按皆非也胡注云據桓溫傳石橋在肥水北蓋
在今壽州

讀通鑑綱目條記卷九

武進李述來紹仔

孝武太元九年

綱 涼將掌據死之

按十六國春秋掌當作常

三年

綱 秦寇涼州

考異 一本作梁州

按晉境安得至涼州涼字爲梁字傳寫之誤無

疑也然書秦寇梁州亦失考秦所攻者南陽襄陽此二郡皆屬荊州非梁州必因梁州刺史朱序守襄陽而誤會耳不知晉太興初梁州寄治襄陽故朱序在襄陽非以襄陽爲梁州也

八年謝石謝元等大破秦兵于肥水

質實

洛澗二水名洛水注見光武建康三年

注彼

云出宏農上洛縣冢嶺山

澗水出河南府澠池縣白石山

按此洛澗在淮南水經注洛澗上承死馬塘水北歷秦墟下注淮謂之洛口是也梁天監四年

遣楊公則將宿衛兵塞洛口又臨川王宏都督
北討諸軍事次于洛口卽此在今鳳陽府懷遠
縣非河南之洛水澗水也

又涼馬臺未詳處所

按胡注在富平津橋之西

以王國寶爲尙書郎

目帝與道子皆嗜酒狎昵

按通鑑狎昵下有邪諂二字卽下所云險詖求
進之徒也嗜酒之失小狎昵邪諂之害大刪此

二字便失本旨若誤解謂帝與道子以嗜酒相狎昵則于本文皆字義尤未安

綱 秦將軍乞伏國仁叛據隴右

目 國仁從秦王堅入寇叔父步頽聞秦師敗率隴西叛之秦使國仁討之國仁遂與步頽合

按西秦錄堅與壽春之役徵國仁爲前將軍領騎先鋒會國仁叔父步頽叛于隴右堅遣國仁還討之步頽聞之大喜迎國仁于路國仁置酒高台自攘袂大言曰苻氏往因趙石之亂遂妄竊

名號窮兵黷武跨僭八州疆宇既寧宜綏以德
方虛廣威聲動心遠畧騷動蒼生疲敝中國違
天怒人將何以濟以吾量之是役也難以免矣
吾黨與諸君共成一方之業及堅敗歸國仁遂
迫齊部落有不從者擊而併之衆至十餘萬據
此則無論步頽叛時秦師未敗卽國仁叛時秦
師亦尙未敗也分注云云疎誤甚矣似當移此
于大破秦兵于肥水之前 又步頽叛于隴右
但步頽叛耳非隴右盡叛也以爲率隴右叛之

亦是張皇太過

丁零翟斌起兵攻洛陽

目 慕容垂至洛陽修好于長樂公丕

按原文作修牋于長樂公丕修牋猶通書耳垂與丕尙未有隙何云修好邪當亦是傳寫之誤也

九年秦王堅擊後秦

質實 公安谷未詳處所

按在今耀州同官縣南

十一年張大豫起兵攻姑臧

質實 魏安縣名未詳處所

按胡注五代志武威郡昌松縣後魏置昌松郡
後周廢郡以揖次縣入焉又有後魏魏安郡後
亦廢記載言焦松等迎大豫于揖次則魏安蓋
後魏所置郡晉書成于唐唐史臣以後魏郡名
書之耳余按揖次當作措次讀胥谷漢縣也晉
志作揖次字譌耳魏收志措次縣屬昌松郡後
又析置魏安郡胡氏說是也又元興初後涼焦

朗據魏安亦是據後魏所置郡書今爲莊浪縣地

又 昌松地名未詳處所

按昌松卽漢武威郡倉松縣張氏置昌松郡後又改東張掖郡亦在今莊浪境

又 楊塢地名未詳處所

按胡注楊塢在姑臧城西蓋在今涼州境

秦以苻登爲南安王

目 狄道長苻登王室疎屬志畧雄明當共立之

按原文王室疎屬上有雖字似不可省

十二年燕寇東阿陷之

目 但爲公猜忌懼死而負之

按原文但爲二公猜忌胡注謂長樂公不平原公丕也今刪二字則公字似指光祚矣

綱 秦主登進據將軍胡空堡

按晉書及十六國春秋皆云進據胡空堡胡注秦屯騎校尉胡空築也將軍二字當是美文或因下書將軍徐嵩壘而誤增耳

十四年燕以慕容農爲幽州牧

目 農建留臺龍城

按通鑑無農字蓋此句蒙上文詔以字爲文乃
垂命建之非農所得專也農字羨

以范甯爲豫章刺史

集覽 明德馬后漢章帝之后

按是明帝之后

十五年秦將軍雷惡地降于後秦

目 惡地馳驛見登曰畏多詐不可信也畏聞之

謂諸將曰此羌見登事不成矣登亦以惡地勇畧過人憚之

按原文惡地馳騎見登曰姚萇多詐不可信也登乃止萇聞惡地詣登謂諸將曰此羌見登事不成矣登以惡地勇畧過人陰憚之今刪登乃止三字則事前未了改聞惡地詣登爲聞之似聞惡地止登之語者登以惡地勇畧過人句增亦字乃似承萇之意皆大失情事也

馮翊人郭質起兵應秦

質實 廣鄉鎮名在鞏昌府秦州東八十里

按魏收地形志鄭縣有廣鄉原鄭縣時屬京兆十六年魏王珪擊柔然

質實 南牀山未詳處所

按北史作南商山胡注南牀山蓋在大磧之西十九年秦主登及後秦戰敗績

質實 馬毛山未詳處所

按山在今固原州西南四十里宋元嘉五年魏將奚斤追赫連定于平涼自北道邀其走路至

馬毛嶺爲其所禽卽此

二十年燕遣太子寶擊魏進軍臨河

質實 臨河秦之縣名屬上郡漢屬朔方郡

按此但言燕軍臨黃河欲渡耳燕自五原伐魏
不得至上郡也

二十一年燕主垂襲魏平城

質實 青嶺未詳處所

按胡注青嶺卽廣昌嶺在代郡廣昌南所謂五
回道也今爲易州境

又 天門關名在太原府城西北四十里

按天門卽在廣昌嶺時燕主自中山指雲中不
得過太原

又 燕昌城未知處所

按水經注燕昌城在平城北四十里俗名老公
城今大同縣境也

魏別將拓跋儀攻鄴

曰 彼衆我寡不敵四也

按原文無不敵二字似不必增

又不如深壘固軍以老之

按此句上原文有今魏無資糧五字似不可刪
三河王光自稱涼天王

質實 三河郡名未詳處所

按胡注此郡當置于張掖金城郡界後漢書注
三河謂金城河賜支河湟河也

安帝隆安元年

綱 燕主寶襲擊魏軍大敗而還

目 燕主寶聞魏王珪攻信都悉出珍寶及官人

募羣盜以擊之營于滹沱水北魏軍至營水南寶
潛師夜濟襲魏營因風縱火魏軍大亂珪弃營走
既而燕兵無故自相斫射珪望見之乃擊鼓收衆
多布火炬于營外縱兵衝之燕兵大敗引還魏兵
隨而擊之燕兵屢敗寶懼弃軍以二萬騎奔還

按此節疎舛不可勝言今據十六國春秋詳正
之後燕錄曰寶聞魏攻信都乃趣博陵之深澤
屯滹沱水悉出珍寶及宮人招募郡縣羣盜無
賴者多應之因以擊魏二月己巳朔太祖

謂魏主

還屯陽城

中序沒根反事

求和于燕且請以弟爲質質

聞魏有內難不許悉發其衆出拒步卒十二萬騎三萬七千次于鉅鹿之曲陽柏津塢臨滹沱水北以邀之丁丑魏兵進至新梁營于水南寶暉魏師之盛遣高陽王隆潛師夜濟募勇敢萬餘人襲擊魏營寶陳于營北以爲之援募兵因風縱火燒營燎及營宮急擊魏兵魏兵大亂太祖驚起不及衣冠棄營逃走旣而募兵無故自驚互相斫射太祖于營外望見之乃擊鼓收衆

設奇陣多布火炬于營外縱騎衝之募兵大敗
奔還寶陣寶引兵復渡水北戊寅魏兵方軌而
至對營相持上下兇懼寶乃引歸魏兵隨而追
之燕兵屢敗寶懼棄大眾率騎二萬奔還

通鑑
畧同

按此則寶之本意在于邀擊魏軍襲營不過其
中一事而專舉襲擊爲文一疎也襲營所敗者
募兵萬餘人大眾未嘗敗也而以大敗屬之襲
擊二疎也此戰燕兵本未嘗甚敗寶自棄大眾
走故致狼狽耳當云寶棄軍奔還而乃云大敗

而還三疎也此綱之疎也魏攻信都渡滹沱而南其歸路由滹沱而北前之趣深澤救信都也後之屯柏塢邀歸師也分注并言之又詳救信都而畧邀擊詳畧失宜且令魏師至至字突然無端一疎也襲擊魏管者所募之勇敢耳非卽前所招募之羣盜也分注誤合爲一而剛悉衆出拒之步卒二十萬騎三萬七千又改募兵自相斫募兵大敗皆爲燕兵二疎也又募兵大敗不過奔還寶陣至明日對營相持寶乃引歸耳

分注以燕兵大敗引還相屬爲文三疎也此目
之疎也

涼沮渠蒙遜叛

質寶 苕菴地名未詳處所

按通志在永昌衛西義熙七年禿髮傉檀伐北
涼至番和苕菴九年沮渠蒙遜自姑臧西如苕
菴皆此地也胡注在漢張掖郡番禾縣界

又 臨松郡未詳沿革

按臨松張天錫置後周廢入張掖郡張掖縣

涼郭磨楊軌叛

質實 東苑未詳處所

按涼州治姑臧有東西苑城

二年南涼取嶺南五郡

集覽 僂海西胡國名也僂字未詳

按闕驪曰金城臨羌縣西有卑和羌海鄯道元

曰古西零之地也

隆安五年北涼沮渠蒙遜弑其君業

質實 西安郡名未詳沿革

按在今甘州東本漢張掖地呂光置西安郡隆安二年段業取西安因城之宋元嘉二年乞伏暮末攻西安不克卽此

又 蘭門山未詳處所

按括地志合黎山亦名蘭門山在今甘州西北四十里卽禹貢導弱水至于合黎是也

又 氐池未詳處所

按氐池本漢縣屬張掖郡後漢因之晉省亦在今甘州境

綱 恩北走陷廣陵

目 浮海北走郁洲攻陷廣陵

按通鑑恩本以諸軍分散欲掩不備既而知尙之在建康復聞劉牢之已還新洲不敢進而去浮海北走郁洲恩別將攻陷廣陵殺三千人蓋孫恩自丹徒向建康知建康有備而牢之在京口不敢東下故循海北走樓于郁洲其攻陷廣陵者乃恩之別將渡江四掠會廣陵無備遂爲所破非恩之回軍北趣而攻陷之亦非廣陵當

北走之道恩因取道于此而攻之也綱之所書未免誤合二事爲一分注謂北走郁洲攻陷廣陵乃似廣陵卽在郁洲者尤疎謬

質寶 新洲未詳處所

按新洲在京口西大江中胡氏曰意卽今之珠金沙也

秦伐涼大破之

質寶 魏安疑是郡縣之名按一統志襄陽府漢川縣卽西魏時魏安郡又重慶府墊江縣乃後周

時魏安縣未知孰是

按二說皆非也魏安漢倉松縣地屬武威郡曹魏時置魏安縣西魏爲魏安郡是年涼攻魏安南涼救之安得在襄陽重慶

元興元年南涼攻涼顯美克之

質寶 顯美疑是郡名未詳沿革

按顯美漢縣屬張掖郡後漢改屬武威三國魏黃初二年涼州刺史張既擊盧水叛胡子顯美破平之卽此今爲涼州境

三年劉裕及桓謙戰于覆舟山大破之

目 蕭方曰

按蕭方等梁元帝子著三十國春秋溫公所採
蓋是書中語分注誤刪等字

質實 東陵疑是地名未詳處所

按胡注建康之西有西陵其東有東陵東陵在
覆舟山東北

帝復位

質實 枚洄州未詳處所

按水經注江水逕江陵縣南有枚泖洲

又大桁釋名云屋之橫也

按桁與航通大桁卽朱雀桁

桓振襲江陵陷之

質實 靈溪未詳處所唯韶州府樂昌縣東北五
十里有靈溪源出靈君山下與武水合流

按水經注江水自江陵縣南東逕燕尾洲北合
靈溪水江陵之會有靈溪戍時方相持于尋陽
安得至韶州

劉毅等復攻桓振諸城壘皆克之

集覽 偃月城卽濡須塢也在無爲州巢縣東南四十里

按胡注漢水與江會于魯山之西漢水之左有却月城亦曰偃月壘故曲陵縣也

燕王熙與其后苻氏游白鹿山

質實 白虎山在太原府孟縣北三十里嘗有白鹿游此山因名

按是時太原屬魏而熙都龍城安得至太原水

經注大遼水東南過遼東郡房縣西入右會白
狼水水出右北平白狼縣東南北屈逕白鹿山
西卽白狼山也

義熙元年春正月入江陵

考異 月下當補書劉毅等三字

按此是蒙上劉毅等進克巴陵爲文

南燕主備德卒

質實 汝水注見帝奕太和四年彼注云注見漢
成帝綏和二年綏和二年注云汝水源出汝寧府

信陽縣西北天目山經汝陽上蔡等縣入淮

按南燕都廣固在山東此汝水入淮在淮南相
去甚遠胡注云汝當作女郭緣生述征記齊桓
公冢在齊城南二十里冢東有女水或曰齊桓
公女冢在其上故以名水晉書地理志女水出
齊國東安平縣東北是也

二年秦以禿髮偁檀爲涼州刺史

質賁 五澗未詳處所

按五澗在姑臧城南

燕王熙襲高句麗不克

集覽 陘北井陘山之北也漢地志常山郡石邑縣井陘山在其西

質實 陘北在真定府井陘縣東北五十里

按是時井陘乃魏地此陘北謂冷陘山之北

三年燕高雲弑其主熙

目 推熙養子夕陽公雲爲主

按雲乃慕容寶養子

五年劉裕伐南燕

目 以昶監南府事

按通鑑裕以昶監中軍留府事蓋裕將北征留昶監府事也南字誤

六年江荆都督何無忌討徐道覆戰敗死之

質實 南塘莫詳處所

按胡注潁水出漢潁章南榿縣毋都山漢南野
晉南康之地也潁水至南昌縣歷南塘南塘在
徐孺子宅西水經注豫章城東大湖十里二百
二十六步北與城齊南緣回折至南塘本通大

江增減與江水同漢永元中太守張躬築塘以
通南路兼遏此水若決南塘則盧循之舟兵無
所用可以堅守而待其敝也

循進逼建康

質實 淮口淮水之口注見漢後主建興二年彼
注云淮水發源自桐柏山至清河口會泗水入海
按此淮口謂秦淮入江之口非發源桐柏之淮
也

又 查浦藥園廷尉未詳處所

按晉書帝紀三壘皆在淮口胡注查浦在大江
南岸近秦淮口藥園蓋種芍藥之所廷尉寺舍
所在因以爲名

譙縱使桓謙會秦將苟林入寇

質實 洛口洛水之口注見光武建武三年後注
云洛水源出西安府洛南縣冢嶺山東流入于河
按水經注漢水過魏興安陽縣又東至瀛城南
與洛谷水合水北出洛谷谷北通長安其水南
流注漢水所謂洛口也非冢嶺之洛

八年遣益州刺史朱齡石帥師伐蜀

質實 河西郡名注見漢安帝元初元年

按此當是上條蒙遜始稱河西王之注誤脫置
此耳然蒙遜所據之河西是涼州非河西郡也

十一年

綱 青冀參軍司道賜殺其刺史劉敬宣

按司下脫馬字

十二年太尉裕自加都督二十二州軍事

質實 張九韶曰東晉以來南北分爭州郡不常

追宋受晉禪有州二十二曰揚州治建業曰南徐
州治京口曰徐州治彭城曰南兗州治廣陵曰兗
州治魯郡曰南豫州治宣城曰豫州治壽陽曰江
州治尋陽曰青州治臨菑曰冀州治歷城曰司州
治義陽曰荊州治南郡曰郢州治江夏曰湘州治
長沙曰雍州治襄陽曰梁州治南鄭曰秦州治上
邽曰益州治成都曰寧州治雲南曰廣州治南海
曰交州治安南曰越州治合浦

按胡注二十二州徐南徐豫南豫兗南兗青冀

幽并司鄧荆江湘雍梁益寧交廣南秦也有幽
并南秦而無揚秦越余按張九韶所陳據沈約
宋志乃是宋之二十二州非晉末諸州也胡注
不知何所據不數揚州者揚州爲京都非都督
所及也無越州者越州乃宋泰始七年增置此
時尚未有也然鄧州亦至宋孝建時始置而晉
志江左分梁爲秦又立氏池爲北秦州當去鄧
州而益北秦則合矣 又張氏所列州治亦多訛舛
兗州治鄆城非魯郡

其僑治則或
淮陰或京口

青州治東陽非臨

菑北青州治東陽南青州治廣陵秦州與梁同

其治臨菑者晉初之青州也

治南鄭非上邽治上邽者晉初之秦州越州治臨漳非合

浦

詔遣司空高密王恢之修謁五陵

考異 定字陳氏曰高密郡名綱曰無此例二字

合刪去

按陳氏之意似以王爲姓矣非也恢之乃司馬
尙之之弟封高密王耳

十三年將軍王鎮惡攻潼關

質實 定城漢之縣名屬汝南郡

按姚紹敗于潼關退屯定城安得東至汝南郡
郭緣生述征記定城去潼關三十里夾道各一
城渭水逕其北蓋卽此

太尉裕至長安

集覽 研研然史昭曰研研五見反

正誤 研研今按以文意及音義推之與齟齬相
類忿爭強辨之意

按魏書沮渠傳作妍妍胡注曰華人服飾妍靡

自喜故蒙遜云然妍讀如字音義皆通當從魏書

恭帝元熙元年西涼地震星隕

質實 建康郡名注見漢獻帝興平二年秣陵秦之郡名吳改爲建業晉建興初改建康元帝都此按此建康乃西涼地在張掖郡名勝志甘州高臺所西南四十里有故建康城前涼張駿置唐嗣聖末置建康軍

以劉義真爲揚州刺史

質實 道憐劉裕從弟也

按道憐是宋武繼母蕭元妃所生是異母弟非從弟也

二年北涼王蒙遜誘西涼公歆與戰殺之

質實 川巖地名未詳處所

按紀要在甘州鎮西南三百五十里

又 黃峪未詳處所惟臨洮府蘭縣西南二十五里有黃峪山又縣縣上當有脫字西南有黃峪山未詳孰

是

按紀要黃谷在西寧衛故浩亶縣東或云西秦
置城戍守于此